

■ 27AVEL TOP POP RUMANTSCH

I dat puspè sulegl...

(rtr) Suenter Surmeir ed Engiadina fa il Top Pop Rumantsch in gir en il Tutsch: Pascal Gamboni chanta «Il sulegl a tuts». «Tut ae leeiv, sonda blaua, i picla fin ossum la detta». Las chanzuns da *Pascal Gamboni*, chantadas en pur dialect tuatschin, èn gia adina stadas in pledoyer per la diversidad colorada rumantscha. Questa qua che porta il titel «Il sulegl a tuts» è però er in laudate ad ina tenuta positiva, ubain sco ch'il trubadur di sez, «in'embratschada a la vita, als carstgauns, a l'univers, a l'entir'existenza». Il tun dals artgs, mess a pèr a las solitas ghitarras rockusas, rinforza quella tempr affirmitiva. E qua quadra er bain ch'il team dal Top Pop Rumantsch ha tschernì per la 27avla ediziun in chantatur detg enconuschent, vivamain celebrà quests dis qua. Sin il pli conferma

questa ulteriura schelta «prominenta» ch'i n'existan naginas reglas fixas tar la retscha promotura dal Radio Rumantsch. Il principal è che la musica tunia. U sco Gamboni di: «Ina biala canzun ae ina biala canzun ae ina biala canzun».

Pascal Gamboni, annada 1977, è creschì a Sedrun, nua ch'el ha fundà ensemen cun *Curdin Brugger* ils Passiunai, ina gruppa-clav rumantscha dals ultims onns 90. Il proxim decenni ha lura Pascal vivì en Engalterra, concertond là cun la gruppa Cléan. Ses recents albums solo «Siat vanauns» ed «As fiug» han confermà sia gronda creatividad. Dapi ses return en Svizra agescha il chantatur tranter auter en in program multimedial ensemen cun il literat *Arno Camenisch* (registraziun publica en ils studios

571/Aquarium a Turitg, ils 8 da december vegnent).

Tut ils titels da la seria èn d'udir sin la pagina da RTR: <http://www.rtr.ch/home/dossiers/actual/Top-Pop-Rumantsch.html>

Curt e bun

Musica e text: Pascal Gamboni
Producciun: Manfred Zazzi & Pascal Gamboni
Gruppa rock: Sun Gone Mad (Pascal Gamboni, chant e bass; Severin Brugger, ghitarra; Richard Lee «Tricky», batteria).
Guppa artgs: Simon Heggen-dorn, David Schnee